



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XVII

Broj 12/2013
Datum: 27.09.2013.
Akt: 201-213

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

201.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE

Broj: 0-01/1-377/13
Kakanj, 17.09.2013. godine

Općinsko vijeće na 11. sjednici održanoj 17.09.2013. godine, na osnovu člana 6., 46., 63., 68., 73. i 76. Zakona o građevinskom zemljištu („Službene novine F BiH“, broj: 67/05), i člana 24. Statuta Općine Kakanj („Službene novine Općine Kakanj“, broj:4/08), donijelo je

ODLUKU

o izmjenama i dopunama Odluke o građevinskom zemljištu

Član 1.

U Odluci o građevinskom zemljištu – prečišćeni tekst („Službene novine Općine Kakanj“, broj: 8/13), u članu 32. iza stava (1) dodaje se stav (2) koji glasi:

„Da bi se na ime srušenog objekta izvršilo umanjeње naknade za rentu za gradnju novog objekta koji se gradi na njegovom mjestu, potrebno je dostaviti dokaz da je za srušeni objekat ranije izdato odobrenje za gradnju, te dokaz o neto građevinskoj površini objekta koji se ruši. Umanjenje plaćanja rente na ime srušenog objekta vrši se samo za stambene objekte, pomoćne i gospodarske objekte vezane za funkciju stanovanja. Dokaz da je srušeni objekat imao odobrenje za gradnju dostavlja se za objekte

građene poslije 1974. godine. Za stambene, pomoćne i gospodarske objekte vezane za stanovanje koji su građeni prije 1974. godine, potrebno je dostaviti uvjerenje o starosti objekta.“

Član 2.

U članu 45. iza stava (2) dodaje se novi stav (3) koji glasi:

„Da bi se na ime srušenog objekta izvršilo umanjeње naknade za uređenje građevinskog zemljišta obračunate za gradnju novog objekta koji se gradi na njegovom mjestu, potrebno je dostaviti dokaz da je za srušeni objekat ranije izdato odobrenje za gradnju, te dokaz o neto građevinskoj površini objekta koji se ruši. Umanjenje plaćanja naknade za uređenje građevinskog zemljišta, na ime srušenog objekta vrši se samo za stambene objekte, pomoćne i gospodarske objekte vezane za funkciju stanovanja. Dokaz da je srušeni objekat imao odobrenje za gradnju dostavlja se za objekte građene poslije 1974. godine. Za stambene, pomoćne i gospodarske objekte vezane za stanovanje koji su građeni prije 1974. godine, potrebno je dostaviti uvjerenje o starosti objekta.“

Postojeći stav (3) postaje stav (4).

Član 3.

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Katičić Slaven, sr.